

Home » Debat DiRaja IPT 2021: UIAM, UM, USM, UPNM mara ke suku akhir

TERKINI

AKSI peserta UM selaku Perdana Menteri ketika berdepan UIAM pada pusingan keempat Pertandingan Debat Diraja Antara IPT 2021 secara maya hari ini. – Ihsan UPNM

Debat DiRaja IPT 2021: UIAM, UM, USM, UPNM mara ke suku akhir

Oleh AMREE AHMAD 12 Disember 2021, 8:07 pm

PUTRAJAYA – Empat pasukan institusi pengajian tinggi (IPT) mara ke pusingan suku akhir dalam kedua-dua kategori bahasa Melayu dan Inggeris bagi Pertandingan Debat Diraja 2021.

IPT yang terlibat itu ialah Universiti Islam Antarabangsa Malaysia (UIAM), Universiti Malaya (UM), Universiti Sains Malaysia (USM) dan Universiti Pertahanan Nasional Malaysia (UPNM).

Pertandingan pusingan pertama sehingga keempat yang julung kali diadakan secara atas talian itu diadakan semalam dan hari ini membabitkan 44 pasukan dari 22 IPT seluruh negara.

Ia anjuran bersama Kementerian Pengajian Tinggi dan Majlis Debat Universiti Malaysia selain kerjasama Dewan Bahasa dan Pustaka serta media rasmi iaitu Utusan Malaysia dan Kosmo!.

Buat kali pertama, UPNM menjadi tuan rumah bagi edisi ke-22 pertandingan tersebut tahun ini selepas acara berprestij itu tiada pada tahun lalu ekoran kebimbangan penularan Covid-19.

Bagi kategori bahasa Melayu, turut mara Universiti Sultan Zainal Abidin (Unisza), Universiti Sains Islam Malaysia (USIM), Universiti Kuala Lumpur (UniKL) dan Institut Pendidikan Guru (IPG).

Sementara kategori bahasa Inggeris pula, turut ke pusingan berikutnya itu ialah Universiti Multimedia (UMM), Universiti Kebangsaan Malaysia (UKM) dan Universiti Putra Malaysia (UPM). – K! ONLINE